



Inatsisartuni Ilaasortat, Knud Kristiansen, Siverth K. Heilmann, ATASSUT
MANI

Naalakkersuisunut apeqquteqaammut nr. 244-mut puisit amiinik tunisinermut immikkut Naalakkersuisut ukioq 2010-mut tapiissuteqaqqinniarnersut apeqquteqaammut akissuteqaat

11. november 2010
Sagsnr. 2010-041527
Dok. Nr. 505802

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Inatsisartut suleriaasianni § 36, imm. 1, naapertorlugu Naalakkersuisut puisit amiinik tunisinermut immikkut ukioq 2010-mut tapiissuteqaqqinniarnersut apeqquteqarpusi. Akissuteqaatit uanga oqartussaaffinnit akisassanngorlugu innersuunneqarpoq.

1) Naalakkersuisut ukioq 2010-mut puisit amiinik tunisinermut immikkut tapiissuteqaqqinniarnersut?

Ad 1) Naalakkersuisut puisit amiinut tunisinermut tapiissutinik immikkut aningaasaliisuteqarnissamut Aningaasaqarnermut Ataatsimiititaliamut qinnuteqarpoq. Novemberimi puisinik tunisinissamut tapiissutinik Aningaasaqarnermut Ataatsimiititaliamiit 1.500.000 kr.-nik ilassutinik aningaasaliisoqarpoq.

Aningaasaqarnermi Inatsimmi tapiissutit, puisit amiinut aamma tunisinermi aqutsinermut immikkoortitaapput, Aalisarnermut, Piniarnermut Nunalerinermullu Naalakkersuisoqarfik (APNN) aamma Great Greenland A/S (GG A/S) isumaqatigiissuteqarneratigut.

Piumasaqaataavoq tapiissutinut ilassummik aningaasaliissutit novembarimi 2010-mi akilerneqassasut aammalu puisit amiinut 3.700-nut akiliutaassasut, tunisinermi aki 250 kr.-usoq allanngortinnagu aamma sullissinissamut isumaqatigiissut 592.000 kr.-nik naleqassasoq amermermut ataatsimut aningaasartuutit 160,00 kr.-nut inissinneqarpata. Taamaallaat natsit aamma aataat amiinut tapiissutit atuutissapput, taamaalillutillu natsersuit, ussui atarsuillu amiinut atuutissanngillat.

GG 22. oktobari 2010 nalunaarpoq ammit tapiissuteqarfigineqarsinnaasut tunineqartut amerlassusaat 55.528-nngortut. Decembarimi 2009-mi ammit 5.943-t tunineqarput, GG A/S-ilu taamaammat decembarip aallaqqaataani tunisinermik unitsitsisariaqalernikuulluni. Tamanna tunngavigalugu aammalu 2010-p qaammataasa sinnerini puisit amiinik tunisisarnerup ingerlaqqinnissaata pisariaqarneranik ilimagisaqarneq tunngavigalugu, Aalisarnermut, Piniarnermut Nunalerinermullu Naalakkersuisoq nalilivoq, puisit amiinik tunisinermi tapiissutinut ilassummik aningaasaliisoqarnissaa pisariaqartoq, ukiup sinnerani puisinik tunisinermi akit allanngunnginnissaat qulakkeerniarlugu.

A. Tunisat pillugit kisitsisit GG A/S-imeersut

Puisit amii tunisat (amerlassusaat)	2008	2009	2010
Kiffartuussinissamut isumaqatigiissut	92.000	67.000	55.000
Kiffartuussinissamut isumaqatigiissummut ilassut		10.000	6.000
Ukiumut	81.580	77.143	61.000
Qaammammut (agguaqatigiissillugu)	6.798	6.429	5.083
ullormut (agguaqatigiissillugu)	224	211	167
Piniartut oktobari ilanngullugu tunisisut amerlassusaat		1.274	1.122

B. Tunisat pillugit kisitsisit GG A/S-imeersut

Puisit amii tunineqartut (amerlassusaat)	Oktober 2009	November 2009	December 2009	Oktober 2010	November 2010	December 2010
Qaammammut	7.568	11.230	5.951	13.409	-	5.472
Ullormut (agguaqatigiissillugu)	244	374	192	610	-	177

Tapiissutit inuussutissarsiutigalugu piniarsinnaanermik akuersissuteqartunut puisit amiiinik GG A/S-ip aamma KNAPK-p akornanni akit pillugit isumaqatigiissutaanni pitsaassutsimik piumasaqaatit malillugit pitsaassuseqartunik tunisisunut atuutissapput.

Great Greenland aamma KNAPK-p isumaqatigiissutaa naapertorlugu ammit 5.500-t sinneruttut decembarimi immikkoortitatut tunineqartussaapput. Tunisassatut immikkoortitat taakkua nalliuttut sioqquitsiarlugit isertitaqarsinnaanermut periarfissiinissaq qulakkeerniarlugu illikartitaapput.

Naalackersuisut qinnuteqaataat KNAPK-mit saaffigineqareernerup kingorna pivoq, taakkua innersuussutigimmassuk puisit amiiinik tigoraanerup matuneqarnera ulloq 22. oktober-imiit 1. december 2010-p tungaanut. KNAPK-p 2010-p sinneranut tunisinermi tapiissutinik immikkut aningaasaliissuteqarnissamut periarfissamik Naalackersuisunut sulissutigeqqullugu qinnuteqarpoq. Qinnuteqaat aamma tunngavilersorneqarpoq aalisarnermi piniarnermilu aningaasaqarniarnerup maannakkut sukangasuumik inissisimaneramik, taamaalilluni ilaqtariinnut piniarnermik isertitamikkut tunngaveqartunut isertitsisinnaanermut periarfissaqaratik, taamaalillutillu inunnut ikiorsiissutinik pissarsinissamut innersuunneqartussanngorsinnaanerat pillugu.

Novembarimi amernik tunisisinnaaneq aatsaat ammarneqassaaq Great Greenland ammaanissamik nalunaaruteqareerpat.

Inussiarnersumik inuulluaqqusillunga

Ane Hansen